



Ruj. Kami : JHEAIPP.PMS.100-1/9/2(1) JId. 2

Tarikh : ۲۰ Rejab 1442H
4 Mac 2021M

Semua Pengerusi Kariah Masjid
Negeri Pulau Pinang

Semua Pengerusi Masjid Ghair Jamek
Negeri Pulau Pinang

Semua Pengerusi Surau Jumaat
Negeri Pulau Pinang

Semua Pengerusi Surau
Negeri Pulau Pinang

YBhg. Tan Sri / Dato' / Tuan,

**PEKELILING PELAKSANAAN AKTIVITI MASJID DAN SURAU NEGERI
PULAU PINANG SEPANJANG TEMPOH PERINTAH KAWALAN
PERGERAKAN BERSYARAT BIL. 3/2021**

Dengan hormatnya saya merujuk perkara di atas.

2. Jabatan ini telah mengambil maklum mengenai pengumuman oleh Menteri Kanan (Pertahanan), YB Datuk Seri Ismail Sabri Yaakob pada 2 Mac 2021 mengenai tempoh Perintah Kawalan Pergerakan Bersyarat (PKPB) bermula 5 Mac hingga 18 Mac 2021 bagi Negeri Pulau Pinang.
3. Melalui perbincangan bersama YB Dato' Ir Haji Ahmad Zakiyuddin bin Abdul Rahman, Timbalan Ketua Menteri 1 Pulau Pinang pada 2 Mac 2021, Jabatan ini membuat ketetapan seperti berikut:

Ruj. Kami : JHEAIPP.PMS.100-1/9/2 (1) J1d . 2
Tarikh : 20 Rejab 1442H
4 Mac 2021M

PEKELILING PELAKSANAAN AKTIVITI MASJID DAN SURAU NEGERI PULAU PINANG SEPANJANG TEMPOH PERINTAH KAWALAN PERGERAKAN BERSYARAT BIL. 3/2021

- i. Memberikan kebenaran pelaksanaan solat Jumaat dan solat fardu di semua masjid dan surau Jumaat Negeri Pulau Pinang dengan kadar bilangan Jemaah mengikut keluasan ruang solat dan ruang yang bersesuaian di dalam kawasan masjid/ surau Jumaat / surau dengan mengambil kira penjarakan fizikal sekurang-kurangnya satu (1) meter;
 - ii. Memberikan kebenaran pelaksanaan solat jenazah bukan Covid-19 di masjid dan surau mengikut keluasan ruang solat;
 - iii. Memberikan kebenaran kepada aktiviti pengimaranan masjid seperti kuliah subuh, kuliah dhuha, kuliah maghrib dan kelas pengajian serta majlis akad nikah / bantuan kebajikan / khidmat nasihat; dan
 - iv. Memberi kebenaran kepada aktiviti ziarah kubur dengan pengamalan kawalan kendiri.
4. Pihak YBhg. Tan Sri / Dato' / Tuan hendaklah mematuhi arahan di atas dan juga memastikan bahawa semua ahli kariah masing-masing mendapat maklumat semasa dan turut mematuuhinya. Bersama-sama ini juga disertakan Garis Panduan Tatacara Aktiviti Keagamaan Di Masjid Dan Surau Seluruh Negeri Pulau Pinang Dalam Tempoh Perintah Kawalan Pergerakan Bersyarat (PKPB) Bil. 3/2021 seperti di **Lampiran A**.

Ruj. Kami : JHEAIPP.PMS.100-1/9/2 (1) 31d.2
Tarikh : 20 Rejab 1442H
Mac 2021M

+

PEKELILING PELAKSANAAN AKTIVITI MASJID DAN SURAU NEGERI PULAU PINANG SEPANJANG TEMPOH PERINTAH KAWALAN PERGERAKAN BERSYARAT BIL. 3/2021

5. Arahan pelaksanaan aktiviti masjid dan surau ini akan dikeluarkan dari semasa ke semasa secara berperingkat tertakluk kepada situasi perkembangan terkini wabak Covid-19 serta atas nasihat Kementerian Kesihatan Malaysia (KKM) dan Majlis Keselamatan Negara (MKN). Sama-sama kita membantu Kerajaan Malaysia dalam usaha menekan penularan Wabak Covid-19.
6. Garis Panduan ini akan berkuat kuasa pada **5 Mac 2021** dan Garis Panduan Tatacara Aktiviti Keagamaan Di Masjid Dan Surau Seluruh Negeri Pulau Pinang Dalam Tempoh Perintah Kawalan Pergerakan (PKP) dan Perintah Kawalan Pergerakan Bersyarat (PKPB) Bil.1/2021 bertarikh 26 Januari 2021 dan Bil. 2/2021 bertarikh 8 Februari 2021 adalah **terbatal**.

Perhatian dan kerjasama YBhg. Tan Sri / Dato' / Tuan mengenai perkara ini adalah amat dihargai dan didahulukan dengan ucapan terima kasih.

Sekian.

"PRIHATIN RAKYAT: DARURAT MEMERANGI COVID-19"

"BERKHIDMAT UNTUK NEGARA"

"CEKAP, AKAUNTABILITI, TELUS"

Saya yang menjalankan amanah,

(MOHD ZAKUAN BIN HAJI ZAKARIA)

Pengarah

Jabatan Hal Ehwal Agama Islam Pulau Pinang.

Salinan kepada:

- 1) YB. Timbalan Ketua Menteri 1 Pulau Pinang
Pejabat Timbalan Ketua Menteri 1 Pulau Pinang
Aras 52, KOMTAR,
10503 Pulau Pinang
Merangkap;
Yang Dipertua,
Majlis Agama Islam Negeri Pulau Pinang
- 2) YB Setiausaha Kerajaan Negeri,
Pejabat Setiausaha Kerajaan Negeri Pulau Pinang
Aras 25, KOMTAR
10503 Pulau Pinang
- 3) S.S. Mufti Kerajaan Negeri Pulau Pinang
Jabatan Mufti Negeri Pulau Pinang Aras 48, KOMTAR,
10053 Pulau Pinang.
- 4) YDH. Ketua Polis Pulau Pinang
Ibu Pejabat Polis Kontinjen Pulau Pinang
Jalan Penang, George Town,
10760 Pulau Pinang
- 5) Pengarah
Majlis Keselamatan Negara Negeri Pulau Pinang
Jabatan Perdana Menteri
Tingkat 2, Bangunan MARA
No.33, Jalan Pengkalan Weld 10300 George
Town Pulau Pinang.
- 6) Pengarah
Jabatan Kesihatan Negeri Pulau Pinang
Tingkat 7, Bangunan MARA
No.33, Jalan Pangkalan Weld
10300 Pulau Pinang
- 7) Setiausaha Sulit Kepada
TYT Yang Di-Pertua Negeri Pulau Pinang
Seri Mutiara, Jalan Utama
10500 Pulau Pinang

- 8) Semua Pegawai Tadbir Agama Daerah
{Untuk tindakan sewajarnya}
- 9) Imam besar Masjid Negeri dan Imam Utama Masjid Daerah
{Untuk tindakan sewajarnya}



**TERKINI
GARIS PANDUAN
TATACARA AKTIVITI KEAGAMAAN DI MASJID DAN
SURAU SELURUH NEGERI PULAU PINANG
DALAM TEMPOH
PERINTAH KAWALAN PERGERAKAN BERSYARAT
(PKPB) BIL.3/2021**

TERKINI

GARIS PANDUAN TATACARA AKTIVITI KEAGAMAAN DI MASJID DAN SURAU SELURUH NEGERI PULAU PINANG DALAM TEMPOH PERINTAH KAWALAN PERGERAKAN BERSYARAT (PKPB) BIL.3/2021

1. TUJUAN

- 1.1 Garis Panduan ini bertujuan sebagai panduan dan rujukan kepada semua pihak yang terlibat dalam pengurusan dan perkhidmatan masjid dan surau seluruh Negeri Pulau Pinang mengenai Tatacara aktiviti keagamaan di masjid dan surau dalam tempoh Perintah Kawalan Pergerakan Bersyarat (PKPB); dan
- 1.2 Garis Panduan ini juga bertujuan mengurangkan risiko penularan wabak penyakit, menetapkan langkah-langkah pencegahan dan keselamatan bagi mengelakkan kesihatan awam terjejas.

2. PELAKSANAAN SOLAT FARDU DAN SOLAT JUMAAT

2.1 Bilangan Jemaah Yang Dibenarkan

- i) Kadar bilangan Jemaah adalah mengikut keluasan ruang solat dan ruang yang bersesuaian di dalam kawasan masjid / surau Jumaat / surau dengan mengambil kira penjarakan fizikal sekurang-kurangnya satu (1) meter;
- ii) Jemaah hendaklah berstatus warganegara Malaysia dan Pemastautin Tetap sahaja;

- iii) Jemaah hendaklah berusia **7 tahun hingga 70 tahun sahaja**.
Jemaah yang berumur 71 tahun dan ke atas yang sihat boleh melaksanakan solat jumaat tetapi tidak digalakkan.

2.2 Pelaksanaan Solat Fardu dan Solat Jumaat

- i) Pembesar suara luar hanya digunakan untuk azan dan iqamah sahaja;
- ii) Imam hendaklah membaca surah atau ayat yang pendek ketika solat serta meringkaskan zikir dan doa dengan kadar tempoh keseluruhan solat adalah 20 minit;
- iii) Bagi Solat Jumaat, Imam dan Khatib Jemputan adalah tidak dibenarkan untuk memimpin solat dan menyampaikan khutbah Jumaat. Tanggungjawab ini adalah terletak kepada imam yang dilantik oleh Majlis Agama Islam Pulau Pinang sahaja; dan
- iv) Khutbah Jumaat hendaklah diringkaskan dan hanya menggunakan teks khutbah yang disediakan oleh Jabatan Hal Ehwal Agama Islam Pulau Pinang sahaja dengan kadar tempoh bacaan khutbah 10 minit.

3. PELAKSANAAN SOLAT JENAZAH BUKAN COVID-19

- 3.1 Dibenarkan kepada **Warganegara Malaysia dan Pemastautin Tetap (PR)** sahaja;
- 3.2 Bilangan jemaah solat jenazah adalah **mengikut keluasan ruang solat dan ruang yang bersesuaian di dalam kawasan masjid /**

- surau Jumaat / surau** dengan mengambil kira penjarakan fizikal sekurang-kurangnya satu (1) meter dan berdiri untuk melaksanakan solat jenazah di tempat yang ditandakan sahaja.
- 3.3 Bagi tujuan urusan pengkebumian hingga ke tanah perkuburan, jumlah kehadiran maksimum yang dibenarkan adalah **seramai tiga puluh (30) orang sahaja**; dan
- 3.4 **Aktiviti ziarah kubur adalah dibenarkan** dengan pengamalan kawalan kendiri.

4. PELAKSANAAN AKTIVITI MASJID SELAIN IBADAH SOLAT

- 4.1 Aktiviti pengimaranan masjid yang dibenarkan ialah **majlis ilmu** seperti **kuliah subuh, kuliah dhuha, kuliah maghrib** dan **kelas pengajian Al-Quran bersifat rutin sama ada harian, mingguan atau bulanan serta majlis akad nikah / bantuan kebajikan / khidmat nasihat**;
- 4.2 Tenaga pengajar hendaklah terdiri daripada **pemegang tauliah mengajar agama yang sah dikeluarkan oleh Majlis Agama Islam Negeri Pulau Pinang** dan bermastautin di Pulau Pinang sahaja. Justeru, tenaga pengajar yang merentas sempadan negeri untuk tujuan tersebut adalah **tidak dibenarkan sama sekali**;
- 4.3 **Keutamaan Jemaah adalah yang berusia 7 tahun hingga 70 tahun sahaja**. Jemaah yang berumur 71 tahun dan ke atas yang sihat dibenarkan hadir tetapi tidak digalakkan;

- 4.4 Jemaah juga hendaklah berstatus **Warganegara Malaysia** dan **Pemastautin Tetap** sahaja;
- 4.5 Mesyuarat Agung Pemilihan Jawatankuasa Kariah Negeri Pulau Pinang masih ditangguhkan;
- 4.6 Aktiviti yang dilaksanakan hendaklah di bawah penganjuran masjid dan surau. Program kerjasama dengan pihak luar yang dibenarkan tertakluk kepada pengawalan dan penyeliaan bagi memastikan tahap pematuhan terhadap Garis Panduan adalah optimum;
- 4.7 Jumlah bilangan peserta adalah terhad megikut keluasan ruang masjid mengambil kira keperluan penjarakan fizikal sekurang-kurangnya satu (1) meter dan kemampuan pihak pengurusan masjid dan surau;
- 4.8 Tempoh masa maksimum ialah empat (4) jam sahaja;
- 4.9 Aktiviti jamuan di masjid dan surau secara *buffet* atau layan diri dibenarkan dengan kawalan kendiri;
- 4.10 Bagi aktiviti ekonomi seperti pasar tani di perkarangan masjid yang berkenaan, ianya adalah dibenarkan tertakluk kepada Garis Panduan yang ditetapkan oleh Majlis Keselamatan Negera, Pihak Berkuasa Tempatan dan juga Garis Panduan ini sebagai kawalan dalaman berhubung penggunaan kemudahan sedia ada di masjid; dan

4.11 Bagi aktiviti sosial seperti majlis perkahwinan di perkarangan masjid yang berkenaan, ianya adalah tertakluk kepada Prosedur Operasi Standard yang ditetapkan oleh Majlis Keselamatan Negara dan Garis Panduan ini sebagai kawalan dalaman berhubung penggunaan kemudahan sedia ada di masjid.

5. PEMATUHAN STANDARD OPERATING PROCEDURE (S.O.P) YANG DIPERKETATKAN

- 5.1 Kaunter pemeriksaan suhu bagi setiap jemaah adalah diwajibkan bagi memastikan hanya yang sihat sahaja dibenarkan hadir dan **diwajibkan memakai pelitup hidung dan mulut (*face mask*)**;
- 5.2 Jemaah yang hadir hendaklah tidak mempunyai sebarang gejala Covid-19 seperti demam, batuk, sakit tekak, sesak nafas, selsema, berpenyakit kronik atau yang seumpamanya dan suhu badan tidak melebihi 37.5 C;
- 5.3 Jemaah yang mempunyai hubungan kontak rapat positif Covid19 atau dalam tempoh kuarantin yang diarahkan oleh Kementerian Kesihatan Malaysia adalah tidak dibenarkan hadir ke masjid / surau;
- 5.4 Jika ada jemaah yang disyaki atau disahkan positif Covid-19, masjid atau surau Jumaat tersebut hendaklah melakukan proses sanitasi penuh dan jemaah lain yang hadir pada hari berkenaan perlu melakukan saringan mengikut prosedur Kementerian Kesihatan Malaysia. **Tindakan penutupan masjid perlulah dirujuk terlebih dahulu kepada Pejabat Agama Daerah berkenaan;**

- 5.5 Kehadiran hendaklah direkodkan menggunakan aplikasi MySejahtera atau di dalam buku kehadiran dan hendaklah disimpan bagi tujuan rujukan jika perlu;
- 5.6 Pihak masjid dan surau **hendaklah menyediakan cecair pembasmi kuman (*hand sanitizer*)** yang mematuhi standard Kementerian Kesihatan Malaysia (KKM);
- 5.7 Semua ahli jemaah yang hadir hendaklah **mengambil wuduk** sebelum hadir ke masjid dan **membawa sejadah bersaiz besar sahaja**. Penggunaan air kolah tidak dibenarkan sama sekali kecuali pili air ketika wuduk terbatal;
- 5.8 **Cara masuk dan keluar masjid / surau mesti mengikut giliran dengan beratur serta menjaga penjarakan fizikal yang terkawal;**
- 5.9 Tidak bersalaman sepanjang berada di masjid / surau. Para jemaah hendaklah terus pulang dan tidak berkumpul di luar setelah selesai solat;
- 5.10 Tidak berlaku pergerakan yang sangat aktif di dalam masjid dan surau kecuali di dalam ruang dan pada kedudukan yang ditetapkan sahaja;
- 5.11 Tiada aktiviti perkumpulan dibenarkan selepas selesai solat sama ada di dalam atau di luar masjid / surau;
- 5.12 Jemaah bersurai dalam keadaan tenang melalui pintu keluar yang ditetapkan sambil mematuhi jarak fizikal;

- 5.13 Pegawai yang bertugas hendaklah melaksanakan rondaan dan pemeriksaan di dalam, di luar dan sekitar perkarangan masjid / surau untuk memastikan jemaah terus pulang; dan
- 5.14 Melakukan sanitasi ruang solat dan kawasan sekitarnya termasuk tandas dan ruang wuduk sebelum dan selepas aktiviti masjid dilaksanakan.

6. PANDUAN AM

- 6.1 Pegawai Jabatan, Jabatan Hal Ehwal Agama Islam Pulau Pinang, pihak Polis Diraja Malaysia (PDRM), Kementerian Kesihatan Malaysia (KKM) dan RELA akan terus bertanggungjawab melaksanakan aktiviti pemantauan terhadap pematuhan Garis Panduan ini;
- 6.2 Kelulusan yang telah diberikan kepada **surau yang memohon untuk melaksanakan solat Jumaat hanya bagi tempoh Perintah Kawalan Pergerakan (PKP) dan Perintah Kawalan Pergerakan Bersyarat (PKPB)** adalah bersifat sementara dan terbatal setelah tamat tempoh PKP dan PKPB tersebut;
- 6.3 Mana-mana masjid atau surau Jumaat yang tidak dapat mematuhi Garis Panduan ini adalah tidak dibenarkan untuk melaksanakan solat Jumaat;
- 6.4 Semua ahli kariah hendaklah dimaklumkan dengan seberapa segera tentang Garis Panduan yang berkuatkuasa ini melalui apa-apa sahaja medium hebahan yang bersesuaian; dan

6.5 Pihak jabatan ini tidak akan bertanggungjawab sekiranya terdapat ahli kariah yang diambil tindakan undang-undang akibat perlanggaran arahan pekeliling yang telah dikeluarkan.

7. PENGUATKUASAAN

- 7.1** Garis Panduan ini adalah berkuatkuasa mulai **5 Mac 2021 (Jumaat) bersamaan 21 Rejab 1442H** sehingga arahan baru dikeluarkan oleh jabatan tertakluk kepada perubahan arahan oleh pihak Kerajaan dari semasa ke semasa atau sehingga satu tempoh diisyiharkan keadaan kembali selamat oleh pihak Kerajaan Malaysia; dan
- 7.2** Sebarang pindaan garis panduan ini akan dikaji dari semasa ke semasa atas nasihat Kementerian Kesihatan Malaysia (KKM) dan Majlis Keselamatan Negara (MKN).

Pengarah,
Jabatan Hal Ehwal Agama Islam Negeri Pulau Pinang.
3 Mac 2021M
19 Rejab 1442H